



«ТАСДИҚЛАЙМАН»

Ўзбекистон Республикаси

Транспорт вазирлиги хузуридаги

Фуқаро авиацияси агентлиги директори

*Т. Э. Ульжаев*

Мил «06» 05

## Ҳаво кемаларининг учишга яроқлилиги Бўлими тўғрисида НИЗОМ

### Асос:

1. Ўзбекистон Республикаси ҳаво кодекси.
2. Ўзбекистон Республикаси Вазирлар Маҳкамасининг “Ўзбекистон Республикаси фуқаро авиацияси ҳаво кемалари парвозларининг хавфсизлигини таъминлаш давлат дастури”ни тасдиқлаш тўғрисида 2016 йил 17 декабрдаги 346-сон қарори.
3. Ўзбекистон Республикаси Вазирлар Маҳкамасининг “Ўзбекистон Республикаси Транспорт вазирлиги хузуридаги Фуқаро авиацияси агентлиги, Темир йўлларда юк ва йўловчилар ташиш хавфсизлигини назорат қилиш инспекцияси ва Йўл-қурилиш ишлари сифатини назорат қилиш инспекцияси фаолиятини ташкил этиш тўғрисида” 2019 йил 19 апрелдаги 337-сон қарори.
4. Ўзбекистон Республикаси Фуқаро авиацияси агентлиги Сертификатлаш ва парвозлар хавфсизлигини назорат қилиш бошқармаси тўғрисида низом.
5. Фуқаро авиацияси халқаро ташкилотининг стандартлари ва тавсиялари.

### 1-боб. Умумий қоидалар

1. Ҳаво кемаларининг учишга яроқлилиги Бўлими (кейинги ўринларда Бўлим деб аталади) Ўзбекистон Республикаси Транспорт вазирлиги хузуридаги Фуқаро авиацияси агентлигининг (кейинги ўринларда Агентлик деб аталади) таркибий тузилмаси ҳисобланади.
2. Бўлим ўз фаолиятида Ўзбекистон Республикаси Конституцияси ва қонунларига, Ўзбекистон Республикаси Олий Мажлиси палаталарининг қарорларига, Ўзбекистон Республикаси Президентининг фармонлари, қарорлари ва фармойишларига, Ўзбекистон Республикаси Вазирлар Маҳкамасининг қарорлари ва фармойишларига, Транспорт вазирлиги қарорлари, Агентлик ва Бошқарма Низомларига, шунингдек; ушбу Низомга ва бошқа қонун ҳужжатларига амал қилади.
3. Бўлим ходимлари Ўзбекистон Республикасининг фуқаро ва экспериментал авиациясида парвозлар хавфсизлигини назорат қилиш давлат инспекторлари статусига эгадирлар.
4. Бўлимнинг ташкилий тузилмаси Низомнинг иловасида келтирилган.

### 2-боб. Бўлимнинг асосий вазифалари ва функциялари

5. Қуйидагилар Бўлимнинг асосий вазифалари ҳисобланади:

1) ҳаво ҳудудидан фойдаланувчиларнинг Ўзбекистон Республикаси ҳаво ҳудудидан хавфсиз фойдаланишлари, парвозлар инсонлар соғлиғи ва ҳаётига, аτροφ-муҳитга ҳамда давлат манфаатларига хавф солмаган ҳолда амалга оширишлишини таъминлаш, ўз ваколатлари доирасида ҳавода ҳаракатланишга хизмат кўрсатиш ташкил этилишини ва Ўзбекистон Республикасининг ҳаво ҳудудидан фойдаланишни назорат қилиш;

2) парвозлар хавфсизлигини таъминлаш бўйича фуқаро авиацияси фаолияти соҳасидаги сертификатлаш ишларини ташкил этиш ва таъминлаш;

3) фуқаро авиацияси ва экспериментал авиация фаолияти соҳасида давлат назоратини олиб бориш;

4) халқаро ташкилотларда Ўзбекистон Республикаси фуқаро авиацияси манфаатларини ифода этиш.

6. Бўлим ўзига юкланган вазифаларни бажариш учун қуйидаги функцияларни амалга оширади:

1) фуқаро авиацияси ва экспериментал авиация фаолияти соҳасида халқаро фуқаро авиацияси конвенцияси (1944 йилги Чикаго конвенцияси) ва унинг иловалари талабларига асосан норматив-ҳуқуқий ҳужжатлар лойиҳасини ишлаб чиқади;

2) Ўзбекистон Республикаси фуқаро авиацияси ҳаво кемалари парвозларининг хавфсизлигини таъминлаш давлат дастурини такомиллаштиради ва амалга оширади;

3) қонун ҳужжатларида белгиланган тартибда сертификация ишларини амалга оширади:

ҳаво кемалари эксплуатантларини;

ҳаво кемаларига техник хизмати кўрсатиш ташкилотларини;

Ўзбекистон Республикаси фуқаро авиациясининг авиация ўқув марказларини;

4) белгиланган тартибда қуйидаги ҳужжатларни беришни ташкил этади:

фуқаро ҳаво кемасини рўйхатдан ўтказилганлиги тўғрисида гувоҳномаси;

фуқаро ҳаво кемасини рўйхатдан чиқарилганлиги тўғрисида гувоҳномаси;

экспериментал ҳаво кемасини рўйхатдан ўтказилганлиги тўғрисида гувоҳномаси;

фуқаро ҳаво кемасининг учишга яроқлилик сертификати;

фуқаро ҳаво кемаларининг радио жихозлари сертификати;

фуқаро ҳаво кемаларининг шовқин бўйича сертификати;

5) фуқаро ҳаво кемалари давлат реестрини ва экспериментал ҳаво кемаларининг рўйхатини юритади;

6) ҳаво кемаларидан техник ва учишда фойдаланиш бўйича ҳужжатларини тасдиқланишини ташкил этади;

7) қуйидагиларга риоя этилиши устидан давлат назоратини ташкил этади ва амалга оширади:

фуқаро ҳаво кемаларидан фойдаланиш ва уларга техник хизмат кўрсатиш қоидалари;

фуқаро ҳаво кемаларини ишлаб чиқариш қоидалари (улардан фойдаланиш жараёнида ушбу кемаларнинг парвозлари хавфсизлигига таъсир қилувчи ишлаб чиқариш нуқсонлари аниқланган тақдирда);

фуқаро ҳаво кемалари парвозлари хавфсизлигини таъминлашга тегишли қисми

юзасидан (ходимларни текшириш ва уларни ишга қўйиш ҳам шу жумлага кирази) авиация ходимларини тайёрлаш қоидалари;

фуқаро ҳаво кемаларининг учнишга яроқлилиги нормалари;

фуқаро авиациясининг тегишли ташкилотларида парвозлар хавфсизлигини бошқариш тизимини жорий қилиш ва унинг фаолият кўрсатиши;

8) фуқаро авиацияси объектларига хорижий сертификатларни эътироф этиш учун хулоса тайёрлайди;

9) парвозлар хавфсизлиги соҳасида Ўзбекистон Республикаси имзолаган меморандумларни амалга ошириш, стандартлар ва тавсияларни жорий қилиш масалари бўйича Фуқаро авиацияси ҳалқаро ташкилоти (кейинги ўринларда ИКАО деб аталади) билан ҳамкорликни амалга оширади;

10) парвозлар хавфсизлигини таъминлаш масалалари бўйича ҳалқаро ташкилотларининг ишида, конференцияларда ва семинарларда иштирок этиш, норматив-ҳуқуқий базани, ҳаво кемаларидан техник фойдаланиш, фуқаро авиацияси инспекторлар таркибини тайёрлашни такомиллаштиришда иштирок этади;

11) Агентликнинг Олий тоифа комиссиясининг ишида ва авиация ходимларига малака талабларини ишлаб чиқишда иштирок этади;

12) парвозлар хавфсизлигини таъминлашга алоқадор бўлган инженер-техниклар ва бошқа авиация ходимларини тайёрлаш бўйича ўқув режаларини ва дастурларини экспертизасини амалга оширади;

13) фуқаро авиациясининг тегишли ташкилотларида парвозлар хавфсизлигини бошқариш тизимини жорий қилиш ва унинг фаолият кўрсатиши;

14) авиакомпанияларда, ҳаво кемаларига техник хизмат кўрсатиш ташкилотларида парвозлар хавфсизлиги кўрсаткичлари устидан назоратни амалга оширади;

15) авиакомпанияларда, ҳаво кемаларига техник хизмат кўрсатиш ташкилотларида «Фуқаро авиацияси хавфсизлиги куни» ташкил қилиш ва ўтказишлари устидан назоратни амалга оширади;

16) Бўлим ваколатларига тегишли масалалар бўйича жисмоний ва юридик шахсларнинг мурожаатларини кўриб чиқилишини назорат қилади;

17) қонун ҳужжатларида белгиланган тартибда жисмоний ва юридик шахсларга ахборот ва маслаҳатлар беради;

18) Бўлим инспекторларини қайта тайёрлаш ва уларнинг малакасини оширишни таъминлайди.

### **3-боб. Бўлимнинг ҳуқуқ ва мажбуриятлари**

7. Бўлим қуйидаги ҳуқуқларга эга:

1) Бўлимга юкланган вазифалар ва функцияларнинг бажарилиши билан боғлиқ норматив-ҳуқуқий ҳужжатларни, шунингдек бошқа ҳужжатларни белгиланган тартибда тайёрлайди;

2) фуқаро авиацияси авиакомпаниялари, корхона ва ташкилотларининг (мулкчилик

шаклидан қатъий назар) фуқаро ҳаво кемалари парвозлари хавфсизлигини таъминлаш билан боғлиқ фаолиятини инспекция текширувларини амалга ошириш, кўрсатилган текширувларга Агентликнинг бошқа таркибий тузилмаларининг мутахассисларини, шунингдек авиа корхона ва ташкилотларнинг мутахассисларини белгиланган тартибда жалб этиш;

3) мустақил равишда ёки Агентликнинг бошқа бўлинмалари билан биргаликда Ўзбекистон Республикаси фуқаро авиацияси авиакомпаниялари, корхона ва ташкилотлари томонидан парвозлар хавфсизлигини таъминловчи нормалар, қоидалар ва талабларнинг фуқаро ҳаво кемаларидан техник мақсадларда фойдаланиш устидан инспекция текширувларини ўтказиш;

4) ҳаво транспорти эксплуатантлари ҳаво кемаларини инспекция текширувларини амалга ошириш (шу жумладан парвоз пайтида ҳам), Бўлим инспекторларини ички ва халқаро ҳаво йўлларида қатновларни амалга оширишда Агентлик инспекторларини белгиланган тартибда ҳаво кемалари экипажлари таркибига текширувчилар сифатида киритиш, шунингдек айлана учишлари, ҳаво кемаларини бир жойдан бошқа жойга учуриб ўтишда ва авиация ишларининг бошқа турларида Ўзбекистон Республикаси эксплуатантининг ҳаво кемалари экипажлари таркибида парвозларни бажаришда текширувчилар сифатида киритилиш;

5) Ўзбекистон Республикаси ҳудудида хорижий давлатларнинг экипажлари ва фуқаро ҳаво кемалари устидан инспекция текширувларини ўтказиш;

6) тегишли фуқаро авиацияси бўлинмалари, корхоналари ва ташкилотларидан, юридик ва жисмоний шахслардан, Бўлимга юкланган вазифаларни бажариш учун зарур бўлган масалалар бўйича маълумотлар ва материалларни белгиланган тартибда талаб қилиш ва олиш;

7) Бўлим инспекторлари парвозлар хавфсизлиги устидан назорат олиб боришларида ваколатлари доирасида қуйидаги ҳуқуқларга эга:

авиация хавфсизлигини таъминлаш қоидаларига риоя қилиб, Агентлик инспектори хизмат гувоҳномасини кўрсатган ҳолда ҳаво кемаларига, фуқаро авиацияси ташкилотларининг бинолари ва иншоотларига тўсиқсиз кириш, ҳамда хизмат ҳужжатларини текшириш;

зарур бўлган ҳолларда, юридик ва жисмоний шахсларга текширишлар ўтказиш жараёнида аниқланган камчиликларни сўзсиз бартараф этиш бўйича ёзма кўрсатмалар бериш;

ҳаво кемасининг яроқлилигини ва давлат рўйхатидан ўтказилганлигини тасдиқловчи мажбурий кема ҳужжатларига ва унга қўйилган талаблар бузилган ҳолларда ҳаво кемасининг парвозини тўхтатиб туриш;

ҳаво транспорти органлари номидан маъмурий ҳуқуқбузарликлар тўғрисидаги ишларни кўриб чиқишга ва маъмурий жазоларни қўллашга;

8) Бўлим ваколати доирасига кирувчи масалар бўйича тушунтиришлар бериш;

9) Бўлим ваколатларига киритилган масалалар бўйича бошқа давлатларнинг тегишли ташкилотлари билан белгиланган тартибда алоқа қилиш ва ўз ваколатига тегишли бўлган Ўзбекистон Республикасининг халқаро шартномалари бажарилишини таъминлаш;

10) парвозлар хавфсизлигини таъминлаш, ҳаво кемаларидан техник мақсадларда

фойдаланишни такомиллаштириш, фуқаро авиацияси инженер-техник ва инспекторлар таркиби тайёргарлигини такомиллаштириш, авиация ҳалокати ва бахтсиз ҳодисани текшириш масалалари бўйича халқаро ташкилотлар, конференциялар ва семинарлар ишида иштирок этиш;

11) Бўлим ваколати доирасига кирувчи масалар бўйича ташкилотлар билан ўзаро ёзишувни олиб бориш;

12) Бўлим ваколати доирасига кирувчи бошқа ваколатларни амалга ошириш.

#### **4-боб. Бўлим фаолиятини ташкил этиш**

8. Бўлимга, Ўзбекистон Республикаси қонунчилиги талаби билан белгиланган тартибда, Бошқарма бошлигининг тавсияномасига асосан, Агентлик директорининг буйруғи билан лавозимга тасдиқланадиган ва лавозимдан озод этиладиган Бўлим бошлиғи раҳбарлик қилади. Бўлим бошлиғи бевосита Бошқарма бошлиғига бўйсинади.

9. Бўлим бошлиғи бўлмаган пайтда, Бошқарма бошлигининг кўрсатмасига асосан, бўлим мутахассисларидан бири, унинг ҳуқуқларидан тўлиқ фойдаланган ҳолда, мажбуриятларини бажаради.

10. Бўлим ходимлари, раҳбарият кўрсатмаларини ва ўз хизмат мажбуриятларини зарур даражада бажармаганлари учун вазифа йўриқномаларидаги тартибда жавоб берадилар.

11. Бўлим ўз номи ёзилган муҳрга эга.

#### **5-боб. Бўлим бошлигининг мажбуриятлари, жавобгарлиги ва ҳуқуқлари**

12. Бўлим бошлиғи:

1) авиация соҳасида олий маълумотга, амал қиладиган фуқаро авиацияси мутахассисининг гувоҳномасига, фуқаро авиациясида 5 йилдан кам бўлмаган, шундан 3 йилини раҳбар лавозимларда ишлаган иш стажига эга бўлиши лозим;

2) Ўзбекистон Республикаси авиация қондаларини, сертификатцияга оид норматив-ҳуқуқий ҳужжатларни, ИКАОнинг стандартлари ва тавсияларини билиши лозим.

13. Бўлим бошлигининг мажбуриятлари:

1) Бўлим ваколатларига киритилган масалалар бўйича Агентлик раҳбарияти ва бошқа таркибий тузилмалари билан алоқаларда Бошқарма вакили бўлади;

2) Бўлим фаолиятини бошқаради;

3) Агентлик директорининг кўрсатмасига асосан Ўзбекистон Республикаси фуқаро авиацияси объектларида сертификация ва инспекция текширувлари ўтказиш комиссиялари ишларида иштирок этади;

4) Агентлик раҳбарияти томонидан ўтказилаётган мажлисларда белгиланган тартибда иштирок этади, Бўлим ваколатларига кирадиган масалалар бўйича фикрлар киритади;

5) Бўлим ваколатларига кирадиган масалалар бўйича, Ўзбекистон Республикаси

авиация фаолиятини тартибга соладиган норматив-ҳуқуқий ҳужжатларни такомиллаштиришда, уларга ИКАОнинг стандартлари ва тавсияларини қўллаш ишларини ташкиллаштиради ва назорат қилади;

6) фуқаро авиациясининг тегишли ташкилотларида парвозлар хавфсизлигини бошқариш тизимиши жорий қилиш ва унинг фаолият кўрсатишини ташкил этади ва назорат қилади;

7) инспекторлар учун йўналишлар бўйича намунавий назорат дастурлари ва техник йўриқномалар ишлаб чиқилишини ташкил этади ва назорат қилади;

8) Бошқарма ваколатларига киритилган масалалар бўйича Ўзбекистон Республикаси Транспорт вазирлиги, ДАҚ, бошқа давлатлар авиация маъмуриятлари, шунингдек Ўзбекистон Республикасининг бошқа вазирлик, идора ва ташкилотлари билан белгиланган тартибда алоқа қилади;

9) ўз ваколати доирасида хизмат ҳужжатларига қўл қўяди;

10) Бўлим ваколатларига киритилган функцияларни мутахассислар ўртасида тақсимлайди;

14. Бўлим бошлиғи яккабошчилик асосида Бўлим фаолиятига раҳбарликни амалга оширади ва шахсан жавоб беради:

1) Ўзбекистон Республикаси Конституцияси ва қонунларининг, шунингдек, бошқа норматив-ҳуқуқий ҳужжатларнинг талабларига риоя қилиш;

2) фаолиятига бевосита раҳбарлик қилиш, Бўлимга юкланган вазифа ва функцияларнинг бажарилишини ташкиллаштириш;

3) прогноз кўрсаткичлари бажарилишини тизимли таҳлил қилиш ҳамда Бошқарма бошлиғига Бўлим томонидан ушбу кўрсаткичларга сўзсиз эришилишига қаратилган қўшимча чораларни қабул қилиш бўйича таклифларни кўриб чиқиш учун киритиш;

4) Ўзбекистон Республикаси Президенти, Вазирлар Маҳкамаси ва Транспорт вазирлиги ҳужжатлари ва топшириқларини бажаришни таъминлаш, Ўзбекистон Республикаси Президентининг «Ўзбекистон Республикаси Президентининг ҳужжатлари ва топшириқлари самарали ва натижали ижро этилиши, шунингдек, ижро интизоми мустаҳкамланиши учун Ўзбекистон Республикаси Президенти Давлат маслаҳатчиларининг, Вазирлар Маҳкамаси ва унинг комплекслари, давлат ва хўжалик бошқаруви органлари, шунингдек, барча даражалардаги ҳокимликлар раҳбарларининг шахсий жавобгарлиги тўғрисида» 2017 йил 11 апрелдаги ПҚ-2881-сон қарорига ва «Давлат органлари ва ташкилотларида ижро интизомини янада мустаҳкамлаш чора-тадбирлари тўғрисида» 2018 йил 5 октябрдаги ПҚ-3962-сон қарорига ҳамда Вазирлар Маҳкамасининг «Ижро интизомини мустаҳкамлаш чора-тадбирлари тўғрисида» 1999 йил 12 январдаги 12-сон қарорига мувофиқ ижро интизомини мустаҳкамлаш бўйича комплекс амалий чора-тадбирларни амалга ошириш, топшириқларнинг ўз вақтида ва сифатли бажарилиши учун Агентликнинг мутасаддилик қилинадиган Бўлим ходимларининг шахсий жавобгарлигини ошириш чораларини кўриш;

5) Агентлик қарорлари, Агентлик директори ва унинг ўринбосарининг буйруқлари ва топшириқларининг, ҳамда Бошқарма бошлиғи топшириқларининг ўз вақтида ва сифатли

ижросини таъминлаш;

6) Бўлимнинг иш режалари ишлаб чиқилишини, тасдиқлаш учун киритилишини таъминлаш, уларда кўрсатилган вазифалар ва тадбирларнинг сифатли бажарилишини таъминлаш;

7) Бўлим фаолияти масалалари бўйича қонунчиликни такомиллаштиришга доир таклифлар ишлаб чиқиш ва уларни кўриб чиқиш учун Агентлик раҳбариятига киритиш;

8) Бўлимда кадрларни танлаш ва жой-жойига қўйиш бўйича Агентлик директорининг ўринбосарига кўриб чиқиш учун таклифлар тақдим этиш, уларнинг профессионализи, салоҳияти, амалий тажрибаси, ишчанлик ва маънавий-ахлоқий сифатларининг юксак даражаси қафолатланганлигини таъминлаш, профессионал малакасини ошириш бўйича чоралар кўриш, Бўлимда кадрлар захирасини шакллантириш;

9) Бўлим томонидан норматив-ҳуқуқий ҳужжатларнинг сифатли ишлаб чиқилишини ташкил этиш, Агентликнинг таркибий тузилмаларида тайёрланган ҳужжат лойиҳаларини кейинчалик Агентлик директори томонидан кўриб чиқилиши, имзоланиши (визаланиши) учун кўриб чиқиш ва визалаш, Вазирлар Маҳкамасининг Регламенти ва Ўзбекистон Республикаси Президенти Администрациясининг Регламентига қатъий мувофиқ ҳолда Транспорт вазирлигига ўз вақтида киритилишини таъминлаш, Агентлик раҳбариятининг топшириғига биноан норматив-ҳуқуқий ҳужжатларни Транспорт вазирлигида кўриб чиқилишида иштирок этиш;

10) Агентликка киритилган таклифлар ва тақдим этилган норматив-ҳуқуқий ҳужжатларнинг лойиҳаларини тўлиқ ва ҳар томонлама кўриб чиқиш;

11) Ўзбекистон Республикаси Президентининг «Мансабдор шахсларни хорижий мамлакатларга чиқиши тартибини такомиллаштириш тўғрисида» 2014 йил 5 мартдаги ПҚ-2142-сон ва «Хорижий хизмат сафарларида бўлишнинг самарадорлиги ва хорижий делегацияларнинг Ўзбекистон Республикасига сафарини ташкиллаштириш учун мансабдор шахсларнинг шахсий жавобгарлигини янада ошириш бўйича чора-тадбирлар тўғрисида» 2017 йил 3 августдаги ПҚ-3170-сон қарорларининг талабларига тўлиқ мувофиқ равишда хизмат сафарларини амалга ошириш, хизмат сафарларининг асосланганлиги, самарадорлиги ва натижадорлигини, хизмат сафарларига ажратиладиган маблағларнинг мақсадли ва оқилона ишлатилишини таъминлаш;

12) Бўлимнинг ходимлари фаолиятининг самарадорлиги ва натижадорлигини мунтазам танқидий таҳлил қилиш, мажлисларда уларнинг шахсий ҳисоботларини эшитиш, муҳокама яқунлари бўйича зарур чоралар кўриш;

13) Агентлик ходимларининг одоб-ахлоқ қоидалари, ёнгин хавфсизлиги, меҳнат муҳофазаси, меҳнат ва ижро интизоми, ички иш тартибларининг талабларига риоя қилиши, мутасаддилик қилинадиган Бўлим ходимлари томонидан кўрсатилган қоидалар талабларига риоя этилишини таъминлаш;

14) «Коррупцияга қарши кураш тўғрисида»ги Ўзбекистон Республикаси Қонуни талабларига мувофиқ таркибий бўлинмаларда коррупция ва бошқа ҳуқуқбузарликларнинг олдини олиш бўйича чора-тадбирлар кўриш, шунингдек, ҳуқуқни қўллаш амалиёти ва қонунчиликни такомиллаштириш бўйича чораларни ишлаб чиқиш ва амалга ошириш йўли билан уларнинг содир бўлишига олиб келадиган сабаб ва шароитларни аниқлаш,

таҳлил қилиш, бартараф этиш;

15) давлат хизматлари кўрсатишнинг самарадорлиги, сифати ва очиклигини ошириш бўйича Агентлик директориға таклифлар киритиш;

16) жисмоний ва юридик шахсларнинг мурожаатларини кўриб чиқиш, аҳоли билан очик ва бевосита мулоқотни йўлга қуйиш;

17) Агентлик раҳбарларининг топшириғига асосан Ўзбекистон Республикаси Президентининг Халқ қабулхоналари билан ўзаро самарали ҳамкорликни ташкил этиш, уларнинг фаолиятида фаол иштирок этиш, Ўзбекистон Республикаси Президентининг Виртуал қабулхонасидан келиб тушадиган жисмоний ва юридик шахслар мурожаатларининг ўз вақтида ва тўлақонли кўриб чиқилишини таъминлаш;

18) давлат сири тоифасига киритилган ва махфий ахборот билан ишлашда қонунчилик талабларига риоя қилиш.

15. Бўлим бошлиғи қуйидаги ҳуқуқларға эға:

1) Агентлик директори топшириғига асосан давлат органларида ва бошқа ташкилотларда, шуниндек, давлат органлари, халқаро ташкилотлар ва хорижий мамлакатлар вакиллари иштирокида ўтказиладиган расмий тадбирларда Агентлик номидан вакиллик қилишға;

2) Бўлим ваколатига кирувчи масалаларни ҳал этиш учун зарур бўлган маълумотларни давлат ва хўжалик бошқаруви органлари, маҳаллий давлат ҳокимияти органларидан белгиланган тартибда сўраш ва олиш;

3) Бўлим ваколатига кирувчи масалалар бўйича давлат статистика органларидан зарур статистика маълумотларини белул олиш;

4) Агентлик директори топшириғига асосан Ўзбекистон Республикасининг халқаро шартномалари лойиҳаларини тайёрлашда белгиланган тартибда Бўлим ваколатига кирувчи масалалар бўйича иштирок этиш;

5) Агентлик директори топшириғига асосан Бўлим ваколатига тааллуқли масалалар бўйича Ўзбекистон Республикаси манфаатларини халқаро даражада белгиланган тартибда ифода этиш;

6) ҳаво кемалари парвозларини хавфсизлигини таъминлайдиган белгиланган қоидалари ва нормаларға ҳаво кемалари эксплуатантлари ва авиация ташкилотлари томонидан риоя этилишини ўз ваколатлари доирасида белгиланган тартибда текшириш;

7) ички ва халқаро ҳаво йўлларида қатновларни амалға оширишда Бўлим инспекторларини белгиланган тартибда ҳаво кемалари экипажлари таркибига текширувчилар сифатида киритиш, шунингдек айлана учишлари; ҳаво кемаларини бир жойдан бошқа жойға учуриб ўтишда ва авиация ишларининг бошқа турларида Ўзбекистон Республикаси эксплуатантининг ҳаво кемалари экипажлари таркибида парвозларни бажариш;

8) авиация хавфсизлигини таъминлаш қоидаларига риоя қилиб, Агентлик инспектори хизмат гувоҳномасини кўрсатган ҳолда ҳаво кемаларига, фуқаро авиацияси ташкилотларининг бинолари ва иншоатларига тўсиқсиз кириш, ҳамда хизмат ҳужжатларини текшириш;



9) зарур бўлган ҳолларда, юридик ва жисмоний шахсларга текширишлар ўтказиш жараёнида аниқланган камчиликларни сўзсиз бартараф этиш бўйича ёзма кўрсатмалар бериш;

10) ҳаво кемасининг яроқлилигини ва давлат рўйхатидан ўтказилганлигини тасдиқловчи мажбурий кема ҳужжатларига ва унга қўйилган талаблар бузилган ҳолларда ҳаво кемасининг парвозини тўхтатиб туриш;

11) ҳаво транспорти органлари номидан маъмурий ҳуқуқбузарликлар тўғрисидаги ишларни кўриб чиқишга ва маъмурий жазоларни қўллашга;

12) парвозлар хавфсизлигига таҳдид соладиган камчиликлар аниқланганда, Агентлик томонидан берилган амалдаги сертификатлар (гувоҳномалар), фуқаро авиацияси мутахассисларининг гувоҳномаларининг амал қилишини тўхтатиб қўйиш ёки бекор қилиш тўғрисида Агентлик раҳбариятига таклифлар беришга (уларнинг бевосита раҳбарларига маълумот берган ҳолда);

13) Бўлим ваколатларига киритилган масалалар бўйича Бўлим ходимларига, уларнинг мансаб мажбуриятлари доирасида бажарилиши шарт бўлган кўрсатма ва топшириқлар беришга ва улардан кўрсатма ва топшириқларнинг бажарилиши тўғрисида ҳисобот талаб қилишга;

14) Агентлик директорига белгиланган тартибда Бўлим ходимларини тасдиқлаш, бошқа лавозимга ўтказиш ва ишдан бўшатиш тўғрисида, ходимларни хизмат вазифаларини муваффақиятли ва виждонли бажарганлари, шунингдек лавозимларида ноўрин иш қилганлари учун ходимларга нисбатан интизомий жазо қўллаш тўғрисида тавсиялар киритишга.

15) Бўлим бошлиғи қонун ҳужжатларига мувофиқ бошқа ҳуқуқларга эга ҳам бўлиши мумкин.

**Бўлим бошлиғи**



**Логачев Г.В.**

КЕЛИШИЛГАН:

Ўринбосари



О.Н. Лим

СПХНБ бошлиғи



Т.А.Назаров

МИБ бошлиғи



Н.У. Индина

Бош юрисконсулт




И.Р. Байбурина

Қасаба қўмитаси раиси




Р.Д. Гулямов


Танишдим:



Потемкин И.В.



Зеленина С.А.



Кайи Сопырова Н.С.

«Ўзавиация» агентлик директори  
томонидан тасдиқланган  
2019 йил 08 майдаги  
ХКУЯБ Низомига  
Илова

«Ўзавиация» агентлиги  
Ҳаво кемаларининг учишга яроқлилиги бўлимининг

### ТАШКИЛИЙ ТУЗИЛМАСИ

